

Bosna i Hercegovina
 Federacija Bosne i Hercegovine
KANTON SARAJEVO
 Ministarstvo za obrazovanje,
 nauku i mlade



Босна и Херцеговина
 Федерација Босне и Херцеговине
КАНТОН САРАЈЕВО
 Министарство за образовање,
 науку и младе

Bosnia and Herzegovina
 Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/04-39559-17/18
 Sarajevo, 8. 1. 2019. godine

Skupština Kantona Sarajevo
Reisa Džemaludina Čauševića 1
 n/r Elmedina Konakovića, predsjedavajućeg

PREDMET: *Odgovor, dostavlja se*

Cijenjeni,

Zastupnica Sedgmedina Srna Bajramović, na Drugoj radnoj sjednici Skupštine Kantona Sarajevo, održanoj dana 26. 12. 2018. godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo **uputila je zastupničko pitanje vezano za konkurs kojim je Vlada Kantona Sarajevo odobrila upošljavanje 58 zaposlenika u Centru "Vladimir Nazor"**.

Zahvaljujemo Vam se na postavljenom pitanju, te Vas ovom prilikom obavještavamo sljedeće:

1. Konkurs koji je Centar "Vladimir Nazor" raspisao 7. 11. 2018. godine u Dnevnom listu „Oslobođenje“ i koji je objavljen na web stranici Ministarstva za obrazovanje, nauku i mlade Kantona Sarajevo, raspisan je prema Zaključku Vlade Kantona Sarajevo, broj 02-05-33952-10/18 i prema Saglasnosti Ministarstva za obrazovanje, nauku i mlade Kantona Sarajevo, broj 11-34-27750-53-2/18.

U vezi sa upitom koji se odnosi na obezbjeđivanje finansijskih sredstava za navedena radna mjesta, ovim putem Vas obavještavamo, a s čime ste i sami upoznati, da Centar "Vladimir Nazor" nije nadležan za obezbjeđivanje finansijskih sredstava za navedena radna mjesta, te da je konkurs raspisan prema zakonskim i podzakonskim aktima koji su propisani za raspisivanje i objavljivanje konkursa u javnim ustanovama na području Kantona Sarajevo.

Također Vas obavještavamo da je aktuelni konkurs raspisan prema postojećoj sistematizaciji Centra „Vladimir Nazor“ i prema potrebama koje Centar "Vladimir Nazor" ima u okviru svoje djelatnosti.

Shodno sistematizaciji rada Centra "Vladimir Nazor", a koja se odnosi na podršku djeci i učenicima sa teškoćama u razvoju, neophodna je stručna podrška defektologa fakulteta



web: <http://mon.ks.gov.ba>
 e-mail: mon@mon.ks.gov.ba
 Tel: + 387 (0) 33 562-128,
 Fax: + 387 (0) 33 562-218

Sarajevo, Reisa Džemaludina Čauševića 1



raznih profila (defektolog – oligofrenolog, defektolog – logoped, defektolog tiflopedagog, edukator – rehabilitator, socijalni pedagog, defektolog - somatoped) i u skladu s tim, angažman defektologa koji su navedeni u konkursu za prijem zaposlenika je u potpunosti opravdan.

Napominjemo da prema Pravilniku za prijem zaposlenika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo ("Službene novine Kantona Sarajevo" broj 35/17) ne postoji obaveza konsultacija sa nevladinim organizacijama, a prema članu 12. stav (1) pomenutog Pravilnika, Školski / Upravni odbor imenuje komisiju za utvrđivanje prijedloga za izbor radnika ustanove koju čine tri člana:

-Sindikalni povjerenik kao predstavnik Samostalnog sindikata osnovnog odgoja i obrazovanja FBiH- Kantonalni odbor Kantona Sarajevo,

-jedan član iz reda radnika kojeg bira direktor ustanove i

-jedan član iz reda radnika ustanove kojeg bira nastavničko vijeće

Shodno navedenom, konkurs koji je raspisan u Centru "Vladimir Nazor" je u skladu sa Zakonom o osnovnom odgoju i obrazovanju, Zakonom o predškolskom odgoju i obrazovanju, Pedagoškim standardima i normativima za osnovnu školu i Pedagoškim standardima i normativima za predškolski odgoj.

2. U skladu sa drugim pitanjem koje se odnosi na rad Interresorne grupe za sistemsko rješavanje pitanja programskih, prostornih i kadrovskih rješenja za djecu sa poteškoćama u razvoju u specijalnim javnim ustanovama u Kantonu Sarajevo obavještavamo Vas da je Zaključkom Skupštine Kantona Sarajevo, broj 01-05-33780/17 od 15. 11. 2017. godine, Vlada Kantona Sarajevo na 104. vanrednoj sjednici održanoj 11. 12. 2017. godine donijela Rješenje o imenovanju Interresorne grupe za sistemsko rješavanje pitanja programskih, prostornih i kadrovskih rješenja za djecu sa poteškoćama u razvoju u specijalnim javnim ustanovama u Kantonu Sarajevo, broj: 02-05-35764-1/17, a koja je, s ciljem uključivanja svih relevantnih subjekata u svrhu kreiranja stručnog prijedloga za sistemsko rješavanje navedenih pitanja, Rješenjem o izmjeni navedenog Rješenja, broj: 02-05-12772-3/18 od 7. 3. 2018. godine proširena sa još jednim članom.

Zbog zaštite ličnih podataka, ovim putem Vas obavještavamo da su članovi Interresorne grupe predstavnici Ministarstva za obrazovanje, nauku i mlade, Ministarstva za rad, socijalnu politiku, raseljena lica i izbjeglice i Ministarstva zdravstva Kantona Sarajevo, predstavnici Centra "Vladimir Nazor", Centra za slušnu i govornu rehabilitaciju, Centra za slijepu i slabovidnu djecu i omladinu, predstavnici Samostalnog sindikata osnovnog obrazovanja i odgoja FBiH-KO KS i Sindikata srednjeg i visokog obrazovanja, odgoja, nauke i kulture BiH-KO KS, potom predstavnici udruženja "Dajte nam šansu" i "Edus", kao i predstavnici Vijeća roditelja Zavoda "Mjedenica", Udruženja "Vijeće roditelja učenika osnovnih i srednjih škola Kantona Sarajevo" i Savjeta roditelja EDUS-a.

Interresorna grupa je održala osam sastanaka o čijim terminima i mjestu održavanja su svi članovi bili obaviješteni putem e-maila, za što posjedujemo dokaze.

Tokom navedenih sastanaka i komunikacije putem zajedničkog e-maila, realizirani su, između ostalog, sljedeći zadaci:



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



- formiranje baze podataka o broju djece/učenika sa poteškoćama u razvoju u predškolskim ustanovama i osnovnim školama u Kantonu Sarajevo,
- analiza stanja u specijalnim javnim ustanovama Kantona Sarajevo: odnosno analiza programskog, prostornog i kadrovskog stanja u specijalnim javnim ustanovama (prikupljeni podaci koji se odnose na djelatnost i usluge koje pružaju specijalne javne ustanove, i kadrovske resurse u ustanovama, broj korisnika i prostorni kapaciteti u kojem djeluju iste, kao i probleme sa kojima se ustanove susreću u svom radu),
- prikupljeni drugi relevantni podaci (putem Federalnog zavoda za statistiku o broj djece sa poteškoćama u razvoju, po nivoima obrazovanja),
- prikupljeni podaci (putem Ministarstva zdravstva KS) o broju stručnih saradnika u domovima zdravlja i centrima za mentalno zdravlje u Kantonu Sarajevo i
- kreiranje objektivne analize stanja u oblasti specijalnog obrazovanja u proteklih 5-10 godina u Kantonu Sarajevo (koji su to problemi s kojima se svaka specijalna ustanova susreće, te potrebe u svrhu poboljšanja uslova i rada).

Svi navedeni podaci korišteni su za izradu dokumenta pod nazivom *Analiza programskih, prostornih i kadrovskih kapaciteta u specijalnim javnim ustanovama u Kantonu Sarajevo* koji će biti upućen prema Vladi Kantona Sarajevo kao prijedlog mjera za rješavanje navedenih pitanja.

Također, ovim putem Vas obavještavamo da niti jedan član Interresorne grupe nije bio plaćen za svoj rad, dakle javna sredstva uopće nisu potrošena za rad ove grupe.

S poštovanjem,



Dostaviti:

- Naslovu,
- Arhivi.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

